

AMADO ROSINA Y SU MUSICONAN TA BATI ALARMA NA BIENESTAR DI NOS TUMBERITONAN...

Fotos: Jan Poets.

DEN AMBIENTE



**** Roderick Franken a demostra di tin hopi talento, tre-ciendo su tumba dilanti den un forma profesional mereci-damente a triunfa como Rey Infantil Tumberito..**



**** Elton Kelly a despedi di e festival di Tumberito den un broche di oro como Rey di Tumberito 1998. Esaki tabata su di dos titulo y por a compronde for di su propio tata musico Vicente Kelly, cu otro aña e lo ta den e grandinan..**

** Amado Rosina director musical pa ya mas cu diez aña di e festival Tumberito, ta haya cu mester bin cu un comision mas pronto cu ta posibel pa mantene e festival di nos muchanan. Esaki ta debi cu e aña aki e festival di nos futuronan a haya un deca-dencia di tanto cantidad di participante como tambe asistencia publico.


Amado kende a experiencia festivalnan exitoso na unda cu e mester a dirigi mas cu 20 participante, awor ta mira e fruta ta den putri. Esaki naturalmente e no por acepta y ta mira e posibilidadnan ainda pa rebiba e fruta cu ta nos futuronan, kendenan mayan ta Aruba su estreynan.

Despues cu e festival a termina, Amado Rosina a keda hopi tristo y mesora a bati alarma serc su musiconan, kendenan tambe mesora a duna tur clase di apoyo. Con-huntamente cu e demas musiconan cu aña den ta forma e "All Star Band", a pone al-gun sugerencianan valioso riba mesa. Amado kende ta e director musical como rep-resentante di e musiconan, a asecre SAC, kendenan a acepta pa sinta na mesa despues di Carnaval pa discuti e puntonan cu Amado a trese pa dilanti.

Debi na etica despues di e reunion, lo publica e sugerencianan cu Amado y su musi-conan a trese cu lo bay ta na bienestar di nos Tumberitonan. DEN AMBIENTE por a compronde cu e puntonan aki sigur lo bay rebiba y trese mas interes pa nos futuronan por sigui expresa nan talento durante e festival di Tumberito.



**** Amado hunto cu su estreya musiconan, kendenan porcierto a realiza un tremendo tra-bao durante e festival Tumberito. Nan mes lo bay percursa pa duna un man pa e festival aki haya su nivel bek!..**



**** Amado Rosina, pianista/director musical di "All Star Band" Tumberito pa mas cu 10 aña, hopi preocupa pa e ultimo festival..**



**** E sorpresa di e festival Tumberito e aña aki tabata e joven Vederick-Ras kende merecidamente a sali como can-tante popular cu su "Galiña den Car-naval". Porcierto cu e joven aki a demostra di ta un showman cu mester tene hopi cuenta cu ne..**